

ODLUKA
O PRIHVATANJU ZADUŽENJA PO SPORAZUMU O ZAJMU IZMEĐU
BOSNE I HERCEGOVINE I OPEC FONDA ZA MEĐUNARODNI RAZVOJ
ZA REALIZACIJU PROJEKTA STAMBENE OBNOVE

Na osnovu člana 40. stav 4. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10) Predstavnički dom Parlamenta Federacije Bosne i Hercegovine na sjednici, održanoj dana 27.10.2011. godine, i Dom naroda Parlamenta Federacije Bosne i Hercegovine na sjednici, održanoj dana 10.11.2011. godine, d o n o s e

ODLUKU

O PRIHVATANJU ZADUŽENJA PO SPORAZUMU O ZAJMU IZMEĐU BOSNE I HERCEGOVINE I OPEC FONDA ZA MEĐUNARODNI RAZVOJ ZA REALIZACIJU PROJEKTA STAMBENE OBNOVE

I.

Prihvata se zaduženje Federacije Bosne i Hercegovine (u daljnjem tekstu: Federacije) po Sporazumu o zajmu između Bosne i Hercegovine i OPEC Fonda za međunarodni razvoj (OFID) u iznosu od 3.237.500,00 USD za realizaciju Projekta stambene obnove.

II.

Sredstva zajma iz tačke I. ove odluke koristit će se za finansiranje Projekta stambena obnova. Cilj Projekta je pružanje trajnog rješenja za izbjeglice i povratnike kroz rekonstrukciju oko 700 stambenih jedinica koje će pružiti stanove za oko 3000 osoba. Projekt, također, ima za cilj finansijsko i socijalno rasterećenje izvršnih agencija i lokalnih vlada, kao i poticanje povratka na cijelom području Bosne i Hercegovine.

III.

Sredstva zajma iz tačke I. ove odluke odobravaju se Federaciji pod sljedećim uvjetima:

- iznos zajma.....3.237.500,00 USD,
- rok otplate.....15 godina,
- grace period.....5 godina,
- kamatna stopa.....2,5 %,
- dospjeća.....polugodišnje u jednakim otplatama glavnice,
- datumi plaćanja glavnice i kamata.....15. april i 15. oktobar svake godine.

IV.

Potvrđuje se da je razmatrana dokumentacija prihvatljiva za Federaciju, a posebno:

- Sporazum o zajmu (Projekt stambene obnove) između Bosne i Hercegovine i OPEC Fonda za međunarodni razvoj;
- Projektni sporazum (Projekt stambene obnove) između Federacije i OPEC Fonda za međunarodni razvoj.

V.

Projekat će implementirati Jedinica za implementaciju Projekta formirana pri Federalnom ministarstvu raseljenih lica i izbjeglica.

U periodu implementacije Projekta u budžetu Federacije nije potrebno osigurati finansijska sredstva za dodatno sufinansiranje Projekta.

VI.

Implementacija Sporazuma iz tačke I. ove odluke ne zahtijeva donošenje novih ili izmjenu postojećih zakona.

VII.

Daje se saglasnost za zaključivanje Supsidijarnog sporazuma o zajmu između Bosne i Hercegovine i Federacije za zajam iz tačke I. ove odluke.

Za potpisivanje Supsidijarnog sporazuma ovlašćuje se federalni ministar finansija.

VIII.

Za realizaciju ove odluke i izvještavanje zadužuje se Federalno ministarstvo finansija i Federalno ministarstvo raseljenih lica i izbjeglica svako u okviru svoje nadležnosti.

IX.

Ova odluka stupa na snagu narednog dana od dana objavljivanja u "Službenim novinama Federacije BiH".

PF broj:01-02-1276/11
Sarajevo, 10.11.2011.godine

**PREDSJEDAVALA
DOMA NARODA
PARLAMENTA FEDERACIJE BiH**

Karolina Pavlović

**PREDSJEDAVALA
PREDSTAVNIČKOG DOMA
PARLAMENTA FEDERACIJE BiH**

Dr.Denis Zvizdić

